

## **ADMINISTRACIÓN LOCAL**

### **MUNICIPAL**

#### **CAÑIZA, A**

#### **Ordenanzas e Regulamentos**

#### *MODIFICACIÓN DO PREZO PÚBLICO POLO SERVIZO DA ESCOLA INFANTIL MUNICIPAL (0-3)*

#### *ANUNCIO EN BOLETIN OFICIAL DA PROVINCIA DE APROBACION MODIFICACION PREZO PUBLICO*

Polo presente faise público que o Concello da Cañiza, por Acordo de Pleno de data 27 de maio de 2021, aprobou a modificación do Prezo Público polo Servizo da Escola Infantil Municipal (0-3), co seguinte texto:

#### **“ORDENANZA FISCAL REGULADORA DO PREZO PÚBLICO POLO SERVIZO DA ESCOLA INFANTIL MUNICIPAL (0-3) DO CONCELLO DA CAÑIZA (PONTEVEDRA)**

#### *Artigo 1º.- FUNDAMENTO E OBXECTO*

De conformidade co previsto nos artigos 41 e seguintes do Real decreto lexislativo 2/2004, do 5 de marzo polo que se aproba o texto refundido da Lei reguladora das facendas locais, é obxecto desta Ordenanza establecer o precio público polos servizos prestados nos centros de atención a primeira infancia dependentes do Concello de A Cañiza en orde a adaptar os mesmos ao Decreto 49/2012, do 19 de xaneiro, polo que se aproba o réxime de prezos das escolas infantís 0-3 da Consellería de Tránsito e Benestar.

#### *Artigo 2º.- RÉXIME DOS PREZOS PÚBLICOS*

O prezo público rexerá polas seguintes normas:

Polas normas contidas no Real decreto Lexislativo 2/2004 do 5 de marzo polo que se aproba o texto refundido da Lei, reguladora das facendas locais, da que será supletorio o título III da Lei 8/1989, do 13 de abril, de taxas e prezos públicos, conforme ao que establece a disposición adicional sétima desta.

#### *Artigo 3º.- OBRIGADOS AO PAGO*

Están obrigados ao pago do presente prezo público, os pais dos nenos en situación de alta na Escola Infantil Municipal, e no seu defecto, os familiares ou tutores legais a quen corresponda o exercicio da patria potestade.



Mércores, 16 de xuño de 2021

Núm. 113

*Artigo 4º: -HORARIO DE APERTURA*

1. Xornada e horario: De luns a venres agás festivos, dende as oito horas (08.00 h.) ás dezanove horas (19.00 h.).

2. Establécese a posibilidade de facer uso da escola en réxime de media xornada cos seguintes horarios:

- Mañá: das nove (09.00 h.) ás trece horas (13.00 h.).
- Tarde: das quince (15.00 h.) ás dezanove horas (19.00 h.).

3. O horario de comedor será das trece (13.00 h.) ás catorce horas (14.00 h.).

*Artigo 5º: -CONTÍA*

A contía do prezo público ven determinada pola aplicación dos prezos por asistencia regulados no anexo do Decreto 49/2012, do 19 de xaneiro, polo que se aproba o réxime de prezos das escolas infantís 0-3 da Consellería de Traballo e Benestar, a saber:

- Establécese un prezo máximo de 169,26 euros mensuais.

Segundo a renda per cápita mensual da unidade familiar, sobre este prezo aplicaranse as seguintes reducións totais ou parciais:

- a) Rendas inferiores ao trinta por cento do IPREM. Prezo da praza: 0 €.
- b) Rendas comprendidas entre o 30 e inferiores ao 50 por cento do IPREM. Prezo da praza: 0 €.
- c) Rendas comprendidas entre o 50 e inferiores ao 75 por cento do IPREM. Prezo da praza: 34,91 €.
- d) Rendas comprendidas entre o 75 e inferiores ao 100 por cento do IPREM. Prezo da praza: 69,81 €.
- e) Rendas comprendidas entre o 100 e inferiores ao 125 por cento do IPREM. Prezo da praza: 112,13 €.
- f) Rendas comprendidas entre 125 e inferiores ao 150 por cento do IPREM. Prezo da praza: 133,29 €.
- g) Rendas comprendidas entre o 150 e o 200 por cento do IPREM. Prezo da praza: 147,05 €.
- h) Rendas superiores ao 200 por cento do IPREM. Prezo da praza: 169,26 €.

*Descontos.*

A) O uso do servizo en réxime de media xornada nos termos sinalados no artigo 4.2 desta Ordenanza dará lugar a un desconto do 50 % da contía total (non se inclúe na redución o servizo de comedor nin as horas extra).



Mércores, 16 de xuño de 2021

Núm. 113

B) Segundo as circunstancias da unidade familiar, sobre o prezo que resulte de aplicar o disposto no punto anterior, aplicaranse os seguintes descontos que non son acumulables entre si:

- a) Nenos/as pertencentes a familias numerosas, desconto dun 20 por cento.
- b) Nenos/as pertencentes a familias monoparentais, desconto dun 20 por cento.
- c) Segundos/as fillos/as e sucesivos terán un desconto do 100 por cento.

Entenderase por familia numerosa aquela que reúna as condicións que determina a Lei 40/2003, do 18 de novembro, de protección ás familias numerosas.

Entenderase por familia monoparental a unidade familiar cando formase parte dela un único proxenitor ou proxenitora que non conviva con outra persoa con quen manteña unha relación análoga á/ou conxugal e sempre que o outro proxenitor ou proxenitora non contribúa economicamente ao seu sustento.

Para a aplicación dos descontos teranse en conta as circunstancias concorrentes no momento de presentación da solicitude de praza na escola infantil 0-3, que deberán ser previamente xustificadas documentalmente de non coincidir coas circunstancias na data da devindicación da declaración do IRPF.

C) Cando por circunstancias sobrevidas (solicitude fóra de prazo, traslado de residencia, etc.), o/a neno/a ingrese no centro con posterioridade ao día 15 do mes, a cota que corresponda pagar polo dito mes terá un desconto do 50 por cento.

Prezo por servizos complementarios:

a) Servizo de comedor (achega dos medios persoais e materiais precisos para a axeitada distribución e consumo dos alimentos que traen os propios usuarios).

O prezo por este servizo fíxase en 17,45 € mensuais independentemente do nivel de renda e sen que sexa aplicable ningún dos descontos previstos nesta Ordenanza.

b) Horario ampliado.

Con carácter excepcional os/as usuarios/as poderán ampliar a súa xornada de atención educativa mediante a solicitude de horas extraordinarias, sempre que acrediten a súa necesidade.

O prezo mensual de cada hora en que se incremente o horario da atención educativa adxudicado ao usuario ou usuaria será de 21,16 €.

O prezo da hora extraordinaria non estará suxeito a ningunha redución.

Non en tanto, cando existan razóns sociais, benéficas, culturais ou de interese público, que así o aconsellen, a Entidade poderá fixar prezos públicos por debaixo dos límites previstos no apartado anterior. Neste caso, consignarase nos orzamentos as dotacións oportunas para a cobertura da diferenza resultante, se a houbese.



Mércores, 16 de xuño de 2021

Núm. 113

*Artigo 6º: -SUSPENSIÓN TEMPORAL DA COTA.*

Os usuarios non terán a obriga de aboar a cota correspondente á atención educativa e ao servizo de comedor durante os seguintes periodos:

- a) mes de vacacións anual do neno.
- b) cando por calquer motivo distinto ao periodo de vacacións anuais o centro premaneza pechado por un periodo superior aos quince (15) días naturais.

*Artigo 7º: -BASE DE CALCULO E DETERMINACIÓN DOS IMPORTES A PAGAR.*

Para a determinación do importe mensual que van pagar as persoas obrigadas ao pagamento dos prezos públicos determinados nesta Ordenanza, teranse en conta as especificacións recollidas na mesma e no Decreto 49/2012, do 19 de xaneiro, polo que se aproba o réxime de prezos das escolas infantís 0-3 da Consellería de Traballo e Benestar. Para os efectos da aplicación desta normativa, a renda per cápita mensual da unidade familiar computarase segundo as seguintes regras:

- a) Entenderase por unidade familiar a formada polos cónxuxes non separados legalmente e:
  - Os/as fillos/as menores, con excepción dos que, con consentimento dos/as pais/nais, vivan independentes destes/as.
  - Os/as fillos/as maiores de idade incapacitados xudicialmente suxeitos á patria potestade prorrogada ou rehabilitada.
  - Os/as fillos/as maiores de dezoito anos discapacitados cun grao de discapacidade superior ao 33 por cento.

A determinación dos membros da unidade familiar realizarase atendendo á situación existente no 31 de decembro do ano a que se refiran os datos económicos a que se refiren as seguintes regras.

b) Tomarase o importe dos ingresos totais da unidade familiar, que será o resultado da agregación das rendas do exercicio anterior a aquel en que dea comezo o curso escolar, no cal se pretenda que produza efectos, de cada un dos membros da unidade familiar, calculadas por agregación da base imponible xeral coa base imponible do aforro, calculadas segundo os criterios establecidos na normativa do imposto sobre a renda das persoas físicas.

O importe dos ingresos totais da unidade familiar será acreditado, mediante a presentación das copias certificadas pola Administración tributaria das declaracións do IRPF ou a certificación de ingresos das persoas que non presentasen as declaracións do IRPF.

A documentación anterior poderá ser substituída pola correspondente autorización á Administración con competencia en materia de escolas infantís 0-3 para obter os datos necesarios para determinar os ingresos totais para estes efectos a través das correspondentes administracións tributarias.



Mércores, 16 de xuño de 2021

Núm. 113

c) O importe anterior dividirase polo número de membros computables da unidade familiar. No caso de familias monoparentais, incrementarase nun 0,8 o número real de membros que compoñen a unidade familiar. Entenderase por familia monoparental a unidade familiar a que se refire a letra a) cando formase parte dela un único proxenitor ou proxenitora que non conviva con outra persoa con que manteña unha relación análoga á conxugal e sempre que o outro proxenitor ou proxenitora non contribúa economicamente ao seu sustento.

d) A renda per cápita mensual será o resultado de dividir o importe anterior por doce.

#### *Artigo 8º: -ACTUALIZACIÓN.*

Os prezos públicos actualizaranse cada curso escolar na mesma proporción que a variación interanual positiva experimentada polo índice xeral de prezos de consumo para a Comunidade Autónoma de Galicia (IPC) no mes de xuño anterior, mediante resolución, que se publicará no Diario Oficial de Galicia, da Secretaría Xeral de Política Social.

#### *Artigo 9º.- OBRIGACIÓN DE PAGAMENTO*

A obrigación de pagamento do prezo público nace dende que se inicie a prestación do servizo.

O pagamento das cotas farase mensualmente nos dez primeiros días do mes ao que corresponda. Nos casos nos que o ingreso no centro produzase con posterioridade ao día primeiro do mes, a cota correspondente a dito mes ingresarase nos dez días seguintes á data de ingreso.

Antes do día 15 de cada mes que corresponda os usuarios deberán achegar á dirección da Escola Municipal copia do ingreso do pagamento efectuado. No caso excepcional de que o ingreso produzase con posterioridade ao día primeiro o justificante de ingreso deberá achegarse nun prazo máximo de 5 días desde a finalización do prazo de dez días para a realización do ingreso.

O incumprimento desta obriga considerarase como unha falta de pagamento, coa advertencia de que a falla de pagamento de dúas mensualidades consecutivas ou tres alternas poderá orixinar a perda do dereito á praza.

Cando por causas non imputables ao obrigado ao pago do prezo público, o servizo non se desenvolva, procederá a devolución do importe correspondente.

As débedas por este prezo poderán esixirse polo procedemento administrativo de constrinximento.

A falta de pagamento de dúas mensualidades consecutivas ou tres alternas, sen prexuízo da súa esixencia polo procedemento administrativo de constrinximento, orixinará a perda do dereito á praza.



Mércores, 16 de xuño de 2021

Núm. 113

*Artigo 10º.- INFRACCIÓNS E SANCIÓN.*

Para todo o relativo á cualificación de infraccións tributarias e a imposición das sancións correspondentes, rexerá o disposto nos artigos 178 e nos seguintes da Lei xeral tributaria.

*Artigo 11º.- NORMATIVA APLICABLE.*

En todo o non previsto nesta Ordenanza rexerá o Decreto 49/2012, do 19 de xaneiro, polo que se aproba o réxime de prezos das escolas infantís 0-3 da Consellería de Trballo e Benestar e a restante normativa da Comunidade Autónoma ditada na materia.

*DISPOSICIÓN FINAL:*

A presente Ordenanza entrará en vigor o día da súa publicación no Boletín Oficial da Provincia. Porén o réxime de contías do prezo público será aplicable a partir do curso 2020-2021.”

Documento asinado electrónicamente por Luis Antonio Gómez Piña,

Alcalde do Concello de Cañiza

